

ՀՐԱՄԱՆԱՏԱՐԸ

Մարտակերտի արծիվը արյան կանչով մտավ ազատամարտիկների շարքերը, դարձավ նրանց ոգին ու հրամանատարը: Իշխանությունները չհասցրին պարզեցնել տալ նրան, իսկ ժողովրդի համար նա հույս էր և հերոս: Վլադիմիրի ջոկատում կոչվում էին առավել քաջերը: Նրանք չէին ծըխում: Արգելված էր ոգելից խմիչքը: Ամենափոքրիկ զանցանքի համար հեռացվում էին ջոկատից, որ հավասարագոր էր մահվան: Մարտիկները սիրում էին իրենց հրամանատարին, որի հետ անցել էին կերակների միջով: Կոչվում էին ամբողջ Արցախում, մարտերից ազատ ժամերին օգնում սերմնացաններին ու հեծվորներին: Դա ստեղծարար ու մարտնչող բանակ է:

Հրամանատարի համար սուրբ էր մոր՝ Դարիկոյի պատվիրանը՝ վռնդել թշնամուն մեր հողից ու հաղթանակած տուն վերադառնալ, ուր սպասում են դեռատի կինն ու երեք ձագուկները: Միայն մեկ անգամ նա լրիվ չկատարեց մոր պատվիրանը. ջարդեց թշնամուն, բայց տուն չվերադարձավ: Հրամանատարին տուն բերին ազատամարտիկները:

Վլադիմիրի անունն Արցախում հայտնի դարձավ ազատագրական պայքարի առաջին օրերին, երբ կազմեց իր ջոկատը, գինեց ու կոնիվ մղեց թուրքերի դեմ: Նրա ջոկատը մասնակցեց շատ գյուղերի պաշտպանությանը: Առավել հայտնի են խորհրդային բանակի կողմից հայաթափված Ծահույանի շրջանի գյուղերի ազատագրման մարտերը, որտեղ լրիվ դրսևորվեց երիտասարդ հրամանատարի մարտավա-

րական շտաբանը: Հետո տղերքը շատ առաջ հասան Կիչան, թուրքերից մաքրեցին մայրաքաղաք տանող ճանապարհը: Ամենահաս ջոկատի մարտիկներին հիշում են Թալիշում, Չափարում, Այգեստանում և այլ բնակավայրերում, որտեղ նրանք կռվել են: Այսօր այդ գյուղերի մի մասը գրավել ու վառել են թուրքերը: Ո՞ր են Վլադիմիրի տղաները:

Նրա ջոկատի համար լուրջ քննություն էր Մարաղայի ազատագրումը ապրիլի 10-ին: Թուրքերը մտել էին գյուղ, ավերել այն, սպանել ու գերեվարել 100 մարդ: Տեղի ջոկատը անկանոն նահանջել էր: Վլադիմիրի ջոկատը փոթորկի նման վրա հասավ, և սկսվեց կատաղի մարտը: Տեղացիներն ուշքի եկան: Թշնամին փախուստի դիմեց, գյուղն ազատագրվեց:

Պաշարման մեջ եղած գյուղացիները գիտեին, որ երբ Վլադիմիրն է գալիս, հաղթանակն ապահովված է: Թուրքերը սարսափում էին նրա հետ դեմ առ դեմ հանդիպելուց: Վլադիմիրը շատ էր վշտանում տեսնելով ավերված գյուղերը, գյուղացիների տատապանքը, սակայն հորդորում էր նրանց՝ չհուսալքվել, դիմանալ փորձությանը, ամուր կանգնել սեփական հողի վերա, վերականգնել ավերվածը, հաց արտադրել: Ծերունիները հպարտանում էին նրանով, զարմանում, թե որտեղի՞ց է ուժ առնում այդ երիտասարդը, որտեղի՞ց է տարիքին անհամարպատասխան նրա իմաստունությունը: Իհարկե, մայր ժողովուրդն է այդ ամենի ակունք-աղբյուրը:

Պաշտամունք դարձած քաջ հրամանա-

տարը զոհվեց 1992 թ. հունիսի 9-ին, Այգեստանի (Չայու) պաշտպանության համար մղված մարտում: Չոհվեց կրակի առաջին գծում, երբ վարում էր մարտը: Ջինվորական կանոնակարգով հրամանատարը առաջին գծում չպետք է լինի: Սակայն Վլադիմիրը միշտ այնտեղ էր, ուր վճռվում էր ճակատամարտի ելքը, ուր կոչվում էին նրա հավատի եղբայրները: Ազատամարտիկների աչքի առաջ, ինչպես կաղնի անտառում, ընկավ հայ քաջորդին: Եվ Արցախի հողն ավելի սրբացավ: Իսկ տաս օր անց զոհվեց նաև Լեոնիդը՝ նույն Թարթար գետի հովտում Տոնաշենում: Հավատի եղբայրների հոգիները գնացին երկնքում միանալու իրար:

«Վլադիմիրի ջոկատն է գալիս»՝ այս կանչը դեռ կլսեն Արցախում, քանի թուրքը վերջնականապես չի վռնդվել մեր սուրբ հողից: Պաշարման մեջ գտնվող գյուղերի բնակիչները հավատով են սպասում հայոց քաջերին: Ու կգան նրանք: Նրանց հետ կլինի Վլադիմիրի ոգին: Կգան նոր հրամանատարներ, կշահեն նոր մարտեր: Սակայն Արցախը միշտ կհիշի առաջին հրամանատարին: Խաղաղ պայմաններում նա կարող էր իր պապի նման հացագործ դառնալ կամ հոր նման՝ լրագրող, քեռու նման՝ բանաստեղծ: Բայց նա զենք վեցրեց, որ իր պապերի հողում հավերժ ապրի հայ երկրագործը և մշտապես հեջի հայոց բարբառը: Նրան հողին հանձնեցին իր ծննդավայր Աղաբեկաղինջ գյուղից Մարտակերտը բաժանող բարձունքի վրա, հոր կողքին, որտեղից տեսանելի են շրջանի բարեբեր դաշտերը: Նա այնտեղից կհսկի իր լեռնաշխարհի այսօրն ու ապագան: